



Minggu, 30 Juli 2023

Ogen: Kuan-kuanen 17:17



ERTEMAN



Sada lagu si i bas anak singuda nina 'Persahabatan seperti kepompong.' I ja gambaren ngubahken 'ulat jadi kupu-kupu.' Kesetian sekalak teman i bas kerina situasi, senang ntah susah, janah setia ngarak-ngarak teman guna ndatken kesuksesenna. I bas paksa sigenduari erbage istilah sinuriken kerna pertemanen enda, *best friend for ever*, *besti* ras sidebanna singataken maka pertemanenna enda meherga kal ibassa. Tanggal 30 juli jadi sada wari si itetapkan Peserikatan bangsa-bangsa (PBB) jadi wari persahabatan se dunia. Enda itetapkan sabap persahabatan antara individu, budaya, masyarakat, negara jadi sada inspirasi perdamen i doni enda. Pertemanen enda la ngenen suku, agama, ntah kebayaken ras sidebanna. Adi tuhu-tuhulah pertemanen e ilakoken mbelin kal ukihna.

Renungenta si isuratken kitab kuan-kuanen, kepeken banci saja pertemanen belinnen iketenna asangkan kalak si ersenina ntah pe lit hubungan dareh. Sekalak teman banci nggejabken kerina si inanami kita, ndukung, nampati ras mpetetap pusuh. E me teman si sejati, sahabat si setia, si banci hadir i bas kerina situasi kegeluhenta. Si banci saja senina ntah kade kadeta pe labo ngelakoken si bage rupa man banta. E maka banci ikataken alu istilah 'sahabat rasa saudara.' Renuangen enda ngajuk Moria, segelah banci njadikan dirina jadi sekalak teman man Moria sideban. Kita banci jadi teman sepeggejapen ras seninata Moria sideban i bas kerina kecibal geluhna. Kita banci jadi inganna nuri-nuri kerna kerina perbeben, keriahenna ras arapen-arapenna. Kita banci numpak-numpak teman guna 'nehi' pertoton-pertotonna. Alu bage kita jadi 'bestie' erpalasken keleng ate Jesus si enggo sialoken kita.

✎ *Jadilah teman si ngkuhi kegeluhen kalak sideban ras sebalikna*